

曾文正公奏議卷二

統籌三路進兵疏

奏爲統籌三路進兵分別水陸直搗下游恭摺奏請
聖訓指授機宜事竊自武漢克復後襄河以內賊船焚
勦殆盡江漢一律肅清急應乘勝進勦查此次敗竄之
賊脅從解散薙髮乞命分途回籍者約二三萬人逃赴
下游回踞舊巢再圖抗拒者亦尚有數萬人南岸之薙
髮解散者爲數尙少其回巢抗拒者多集于興國州北
岸之薙髮解散者爲數極眾其回巢抗拒者多集于蘄

州廣濟等處而皆以水次爲老巢以舟楫爲藏身之固

屢據探稟北岸之黃州府南岸之武昌縣均已收復自

巴河以下經田家鎮道士洑直至九江節節皆有賊船

臣

等現與兼署督

臣

楊需商定三路進兵南路由

臣

塔

齊布率湖南兵勇進攻興國大冶等處北路由署督

臣

派令固原提

臣

桂明等率各營兵勇進攻蘄州廣濟等

處水師由江路直下楊載福彭玉麟率前幫先發

臣

國

藩督同李孟羣等率後幫繼進俟抵黃州時與陸路北

軍一會抵田家鎮富池口時與陸路南軍一會北軍行

至廣濟將入皖境再與署督臣商定行止南軍則須勦

辦九江後乃能渡江而北以圖疾搗安慶規復省會該

逆擄掠民船以數萬計經臣等一軍轟擊焚燒者不及

七千各省官軍焚擊者亦不過數千下游現存之賊踪

爲數尙復不少九江以下必當大戰數次臣等惟有激

厲士卒步步整頓以期廓清江面仰慰

聖懷于萬一所有統籌三路進兵情形謹會同兼署總

督湖北撫臣楊霈恭摺由駟六百里馳奏伏乞

皇上聖鑒訓示遵行謹奏

咸豐四年九月初七日

臣等謹將前次奏明各款

辦理情形恭摺具奏

為奏為前次奏明各款

辦理情形恭摺具奏

為奏為前次奏明各款

辦理情形恭摺具奏

克復興國大冶疏

奏爲陸軍分途大捷克復興國大冶兩城水師在蘄州
大獲勝仗恭摺奏祈

聖鑒事竊照水陸三路進兵業經奏明在案南路之師

臣塔齊布率湖南將弁十三日自鄂省拔營由武昌縣

一路進勦大冶之賊署湖北提督佈克慎副將王國材
揀發游擊阿達春從之以行候選道羅澤南亦於十三
日拔營起行由金牛堡一路分勦興國州之賊游擊彭
三元都司普承堯等從之以行北路之師副都統魁玉

總兵楊昌泗等於十七日拔營起行固原提督

臣

桂明

已自楊店先至黃州水師前幫於初七日起旋二幫於

十三日起旋

臣

國藩於二十一日舟次黃州與北軍一

會卽飭魁玉楊昌泗於二十二日西出蘄水進勦蘄州

之賊此分路先後進兵之大略也十七日羅澤南等由

金牛堡進至大冶縣探聞逆匪知官軍兩路進勦遂從

田家鎮糾黨六千餘人半由興國分抄大冶堵拒武昌

一路官兵半踞興國州城堵拒金牛一路官兵羅澤南

等於二十日巳刻馳抵興國境內之鹽埠頭地方急截

大冶賊黨歸路並禦興國之匪使不得合爲一隊該逆分三路來撲有衆約三千人黃旗徧野羅澤南等登山審視扼險排陣如不欲戰者然該逆馳下山岡由田隴進撲我師羅澤南彭三元由田隴中路進普承堯由傍山左路進候選直隸州李續賓由沿河右路進四面圍抄鎗砲刀矛並舉呼聲震天殪其前鋒數人賊遂奔潰半棄軍械而走我軍追殺十里之遙其斃賊三四百名生擒五十三名內有僞總制汪茂先僞師帥二名旅帥四名兩司馬八名皆髮長尺餘立即梟示奪獲大小黃

旂六十餘面抬鎗鳥鎗百餘件馬十二匹子藥軍裝無
算該逆因我軍扼截要路不能前赴大冶是晚薙髮逃
生者十之四五餘多回竄興國州城二十一日五鼓羅
澤南等派隊六成仍分三路前進直薄州城城外盤踞
之賊悉數狂竄飛龍飛虎偽旂及軍械子藥皆委之而
去官軍由南門入克復州城搜獲偽知州胡萬智爲賊
中僞進士力守州城希圖再舉者供詞狂悖至死不悔
當卽凌遲梟示復捕獲餘匪二十餘名就地正法該知
州保忠亦帶近鄉練勇回城會同安撫難民其大冶之

賊臣塔齊布於二十日由武昌縣拔營馳勦二十一日

已刻抵大冶城外五里牌該逆約四五千入整隊來犯

臣塔齊布率湖南弁兵及阿達春等由中路進王國才

等帶領雲南弁兵由南路進佈克慎等帶領湖北弁兵

在於北路埋伏該逆勢甚猖獗官兵鏖戰逾時殺賊多

名尙抵死抗拒臣塔齊布怒馬衝陣將逆首立斬馬下

中路之賊當卽敗退左右兩路亦隨奔潰各路兵勇及

埋伏之兵乘勝施放火箭火蛋燒燬賊營二座煙焰迷

漫詎料敗竄之匪拚死復來左路另有伏賊突起臣塔

齊布正在揚鞭督陣忽被數匪撲來刺傷坐馬幸親軍數人立前刺取伏匪之悍者四路短兵相接賊復大潰尸橫遍野我軍由縣城北關追出南關復分兵截賊之腰其斃賊約一千餘名奪軍械千餘件騾馬二十七匹餘賊爭橋過河遠竄人數擁擠橋忽拆斷墜橋死者近一百人後至者爲追兵所逼無路可逃全數落水溺斃又千餘名與八月二十三日洪山追賊入湖層累踐踏大致相似各營生擒逆匪一百三十四名因其擄掠姦淫肆毒已久僅予梟首不足蔽辜概令剜目凌遲以洩

居民之憤此陸軍二十一日同時克復興國大冶兩城之實在情形也各營水師分扎蘄州上游之蒜花塲道士湫渭源口一帶十八日探聞蘄州賊黨窺我水軍深入距兩岸陸營在三四百里外希圖乘隙來撲我水師升用叅將楊載福候選同知彭玉麟等會商定計與其待賊至而迎敵不若及其未至而擊之遂於十九日督同千總秦國祿等各帶長板自蒜花塲出隊行抵蘄州對岸賊見我軍將近將船百餘號先行開出放砲迎敵並於高岸搖旂開砲以護未開之船我軍奮勇轟擊該

逆船勢不能支卽行下竄我軍分戰船一半追赴下游攢至距田鎮十五里之骨牌磯先後燒燬三十餘號轟斃賊匪無數其一半則攻擊未開之賊船該逆轟砲擲火抵死抗拒岸上賊復開砲助之子如雨下我軍習戰已久俱以避子爲恥愈擊愈奮自午至酉酣戰數時始將未開之船六十餘號一概燒盡轟斃逆黨甚多北岸陸軍未到州城未能卽復收隊回營時已五更計奪獲旂幟鎗砲共數百件而陣亡受傷者亦不少此水師蕞州獲勝之實在情形也伏查鄂省逆匪以興國崇陽兩

處之賊爲最兇悍自去年田鎮失防興國大冶該逆久已踞爲老巢上達崇通下達九江製造子藥嘯聚黨羽皆以興國爲總匯之所該逆閏七月在鄂城開科取士興國之人應試者最多是以臣等於克復武漢以後卽決計先勦興國大冶茲幸仰仗

皇上天威兩城同日克復惟殲斃雖逾二千之多而逃竄尙復不少探得該逆畏南軍之勁從下游渡竄北岸於田家鎮多築土城掘壕數重又以木簰橫截江面阻我舟師分賊數千踞守蘄州城內亦於臨江一面築壘

安砲拒禦水師

臣

塔齊布督同羅澤南尙在南路痛勦

餘匪

臣

國藩現扎道士汛相機審度如果北岸之賊負

隅抗拒仍當令南軍渡江會勦以期一鼓殲除仰慰

宸廑此次水陸兩軍分途獲勝克復堅城所有出力員
弁兵勇合無仰懇

皇上天恩准

臣

等擇尤保獎以作士氣其陣亡兵勇亦

卽查明照例辦理所有陸軍分路大捷克復兩城並水
師獲勝各緣由謹會同湖廣督

臣

楊需恭摺由駟六百

里馳

奏伏乞

皇上聖鑒訓示謹 奏

正封摺間適接探報該逆於田家鎮江面橫安鐵鎖二道相距約十數丈鐵鎖之下排列小划數十隻以鎗砲護之北岸築土城多安砲位專防我軍戰船該逆屢次大敗之後而氣力尙凶橫如此殊堪痛恨臣等擬先攻田鎮對岸之半壁山奪其要隘則鐵鎖一岸無根當易拔去理合附片陳明謹 奏

咸豐四年九月廿八日

Blank page with vertical lines.